

Matie

STELLENBOSSE STUDENTEKOERANT. ORGAAN VAN A.N.S.-TAK.

BESTE DIENS
vir
FIETSE, RADIO'S ENS.
is
nog verkrygbaar
by
H. VILJOEN
PLEINSTRaat

BRADS GRYSBROEKE

Ons het so pas 'n klein besending broeke van hierdie bekende fabriek ontvang. So reg na u smaak. Kom kyk self.

Die Eikestadwinkel

(Edms.) Bpk.

Langs C.S.V.-Boekhandel.

Gedruk deur Pro Ecclesia-Drukkery (Edms.) Bpk., en uitgegee deur die A.N.S.-Tak, Stellenbosch.

DEEL V, No. 9.

VRYDAG, 18 MEI 1945.

Prys 1d.

Die A.N.S. se Republikeinse Strewe staan Helder Omllyn

BEWEGING ONTWIKKEL HIEROP SEDERT 1940

Die A.N.S. as Uniale studenteliggaam is fanaties republikein gesind. In sy republikeinse strewe is daar vaste vorm en rigting — 'n koers wat elke ondersteuner moet ken, 'n doelbewustheid wat elke vyand moet aanvaar. In 1940 is dié beginselgrondslag vasgelê. Wêreldtoestande het intussen verander, omstandighede en geleenthede het 'n ander vorm aangeneem, maar die A.N.S. bou voort op dié vooropgesette beginselstrewe. Daarom herhaal ons hieronder die twintig punte van die A.N.S. se vryheidstrewe soos vervat in die VRYHEIDSMANIFES VAN DIE A.N.S., 1 Julie 1940:

Ons voel dat ons die tyd stip bereik het waarop ons onomwonde die omskepping van die Unie van Suid-Afrika tot 'n Republikeinse Staat moet eis. Om hierdie doel te bereik, sal ons nie skroom om alle nodige maatreëls te tref nie.

Ons grondves ons ideaal vir hierdie staat op die volgende beginsels:

1. Ons aanvaar die veelheid en verskeidenheid van nasies, elk met 'n eie aard en besondere taak om vry uit te voer in eie land onder sy Godgewe leiers, gesamentlik in gehoorsaamheid aan God Drieëinig.
2. Ons aanvaar die noodsaaklikheid van die bestendiging van die blanke beskawing in Suid-Afrika, maar erken dié bestaansreg van inheemse nie-blankes onderworpe aan die beginsels hierin vervat.

STAATSVORM

3. Die Unie van Suid-Afrika word omgeskep tot 'n republikeinse staat waarin die President, deur die volk vir 'n bepaalde tyd verkose en verantwoordelik aan God alleen, met bystand van 'n Uitvoerende Raad en Volksraad, van gebieds- en beroepsvertegenwoordigers, 'n regering van gesag sal voer.

4. Ons buitelandse verhoudings sal bepaal word alleen op grond van die belange van die Republikeinse staat in Suid-Afrika.

5. Die Staat sal berus op Christelik-Nasionale grondslag, maar die beginsel van vryheid van godsdienst word erken.

6. Ons uitgangspunt is dat Suid-Afrika ons enigste vaderland is en beskou diegene wat hierdie standpunt nie huldig nie, as vreemdelinge in hierdie land. By die bepaling van status binne die staat onderskei ons tussen burgers, onderdane en besoekers.

BEVOLKINGSBELEID

7. Ons beoog 'n groter blanke bevolking in Suid-Afrika, bewerkstellig te word deur:

(a) Aanmoediging van die natuurlike aanwas;

(b) 'n verstandige immigrasiebeleid met assimileerbaarheid as vereiste.

8. Ons optrede t.o.v. die kleurlingvraagstuk word as volg bepaal:

(a) Inheemse nie-blankes sal onder voogdyskap van die staat staan. Deur middel van 'n differensiasiebeleid sal parallelle ontwikkeling volgens eie tradisionele kultuurvattinge en gelikheid deur apartheid vir hulle moontlik gemaak word.

(b) Algehele woonbuurtsegregasie sal in stedelike gebiede deurgevoer word.

(c) Repatriasie van Asië sal aangemoedig word.

EKONOMIESE LEWE

9. Die staat beoog die regverdige aanwending van al sy natuurlike en produksiebronne ten bate van die hele gemeenskap en hierin sal nie geskroom word om gevestigde belange aan te tas nie.

10. Die staat sal sorg dat die verdeling van nasionale inkomme tussen

(a) besigheids-groepe, (b) verdienende en (c) beleggende groepe sal plaasvind sonder die uitbuiting van enige groep.

11. Industriële uitbreiding en die plaaslike verwerking van nasionale grondstowwe is noodsaaklik. Sleutelbedrywe moet onder staatskontrolle resorteer.

12. Die boerderybedryf in Suid-Afrika word gereorganiseer met inagneming van die landbouskuldvraagstuk sowel as die binnelandse en buitelandse afset van landbouprodukte.

13. Bankwese in Suid-Afrika sal gereorganiseer word op nasionale basis met die staat as die skepper van krediet en private volksbanke die distribueerders daarvan.

TAAL EN OPVOEDING

14. Afrikaans sal geld as amptelike landstaal en Engels sal sy volle regte geniet as tweede taal.

15. Binne 'n Christelik-nasionale opvoedingstelsel sal die onderwys deeglik aangepas word by die behoeftes van ons bedryfswese deur die daarstelling van tegniese en vakkundige sowel as doeltreffende akademiese opleidingsfasiliteite.

16. Die staat sal die pers, radio, film- en biblioteekwese sowel as alle ander hulpmiddels aanwend vir 'n gesonde volksoopvoeding.

ARBEID EN GESONDHEID

17. Ons aanvaar die reg tot arbeid en die plig tot werk.

18. Die staat sal spesiale aandag wy aan die gesondheid en welvaart van die vrou, moeder en kind, onder andere deur die ondersteuning van vroue-organisasies, die uitbreiding van mediese en kliniese dienste.

REGSTELSEL EN VERDEDIGING

19. Ons stel onself ten doel die vereenvoudiging van die Suid-Afrikaanse regstelsel in aanpassing by plaaslike behoeftes.

20. 'n Kragtige nasionale verdedigingstelsel wat berus op algemene diensplig en binnelandse staatsbeheerde bewapeningsbedryf sal ingevoer word.

(Sien ook ons inleidingsartikel.)

Ingenieursfakulteit Beter Toegerus

MASJENKAMER WORD AANGEBOU

Op die oop terrein skuins agter die Hoër Seunsskool word voorbereidings getref vir die oprigting van 'n groot masjiensaal vir die Ingenieurswese-fakulteit. Die gebou word deels deur die Universiteit self en deels deur 'n ingenieursfirma van Kaapstad opgerig, en sal in sowat vier maande voltooi wees tot die voorlopige eerste stadium waarin voorsiening gemaak word vir die huisvesting van groot masjienerie vir die werktuigkundige en elektrotegniese afdelings van die Fakulteit. Die masjiene vorm 'n belangrike deel van die toerusting van die laboratoria's van die Fakulteit, waarin studente die geleentheid sal kry om

AANDAG!!

Prof. Dr. H. G. Stoker, hoogleraar in die Wysgeerte aan die P.U.K. vir C.H.O., Potchefstroom, sal:

(a) Maandagaand 28 Mei 7.30 in die C.J.V.-saal 'n rede lewer oor „Bybelgeloof en Wetenskapsbeoefening.”

(b) Dinsdagaand 29 Mei 8-uur in die Ou Leeskamer oor: „Calvinistiese Wysbegeerte in Perspektief...”

Almal Welkom!

praktiese ondervinding op te doen van al die verskillende soorte masjiene waarmee hulle in hul latere loopbaan te doen sal kry. Ook sal beter geriewe verskaf word vir die opleiding in die werkwinkel en met masjiengereedskap, wat tans in die kelders van die fisikagebou geskied.

VOORLOPIG

Daar die masjiensaal op die oomblik nog nie beskikbaar is nie, word 'n gebou onder in Birdstraat, naby du Toitstasie, tans ingerig as laboratorium vir die werktuigkundige departement, en ons verstaan dat die eerste proewe eersdaags daar uitgevoer sal word. Studente sal self behulpsaam wees met die oprigting van sekere toerusting.

Die Ingenieurswese-fakulteit sal vroeg aanstaande jaar besit neem van die Seunsskool, en alle geriewe dig bymekaar hê vir sowel die teoretiese as vir die praktiese sy van die tegniese opleiding.

Besoek DIE UITSPAN

Waar die atmosfeer rustig is, die bediening beleefd en flink, die spyse — vanaf 'n koppie koffie tot 'n volledige maaltyd — smaakvol aantreklik en goedkoop

DIE UITSPAN is 'n besoek werd!

DIE EIKE KAFÉ
 Onder persoonlike toesig van
 (Mnr. en Mev. van Zyl)
SIGARETTE en TABAK
SJOKOLADE en GEBAK
VARS VRUGTE
 en
GROENTE
LIGTE ETES ALLE URE!
 In ruil vir u gewaardeerde
 ondersteuning waarborg ons u
DIE BESTE DIENSTE

DIE MATIE
 Alle Korrespondensie aan:
H. S. MARAIS,
HOOFREDAKTEUR,
 Dagbreek.
 Korrespondensie i.s. Inskrywings
 aan:
 Die Matie Administrasie,
 Posbus 28,
STELLENBOSCH.
 Inskrywingsgeld 5/- per jaar.
 Deel V. 18 Mei 1945. No. 9.

Die Opkoms en Ondergang van Hitler se Duitsland

„De Waereldgeschiedenis is 't Waereldgericht. Vergelding, de wet der Historie.”
 — Ten Kate.

Dit sal die taak van toekomstige geskiedskrywers wees om 'n wetenskaplike en objektiewe geskiedenis van Hitler se Duitsland te skryf. Dit sal egter alleen moontlik wees as die huidige oorlogsdolheid met al sy propaganda plek maak vir normale vredesnugterheid en saaklikheid. Miskien sal die geskiedskrywers van die toekoms dan ook oor 'n Hitler oor-

volbring. Dit is 'n Duitse en 'n wêreldramp dat hierdie geweldige opbouwerk op alle gebiede nie die geleentheid gehad het om die toets van 'n langdurige vrede deur te staan nie. Dit is nie alleen 'n Duitse ramp nie maar ook 'n wêreldramp dat die nuwe Duitsland nie 'n vredestoets maar 'n oorlogstoets moes deurstaan en in hierdie laaste toets het hy skit-

Deur Prof. J. A. Wiid

deel soos 'n Engelse skrywer onlangs oor die ook eenmaal so erg verguisde Napoleon geoordeel het: Groot manne is meteore. Hulle brand hulself uit ten einde die wêreld te verlig.

terend presteer al het hy ook daarin ondergegaan.

DIE ONDERGANG VAN HITLER SE DUITSLAND

Hoewel die ondergang van Nazi-Duitsland reeds 'n voldonge feit is, behoort die oorsake van hierdie ondergang by toekomstige geskiedskrywers tuis. Op die oomblik egter lyk dit of hierdie ondergang hoofsaaklik aan militêre oorsake toegeskryf moet word. Dit was 'n militêre toets wat Hitler se Duitsland moes deurstaan en nie kon deurstaan nie.

Om hierdie militêre toets te kan deurstaan was dit noodsaaklik dat Duitsland 'n blitskryg moes voer en blitsoorwinning moes behaal. Dit was noodsaaklik omdat Duitsland se voorraad aan mense en materiaal veel geringer was as die van sy vyande. Vir die Duitsers was 'n vinnige uitklophou en 'n blitsoorwinning 'n eerste noodsaaklikheid. 'n Lang uitgerekte oorlog kon vir hulle alleen noodlottig wees.

Die vernaamste oorsake vir die Duitse nederlaag kan dus as volg opgesom word: (1) Die geweldige mag van die Russiese kolos waarteen die Duitsers hulle te pletter geloop het. (2) Die materiële oormag en produksievermoë van Amerika. (3) Die beheer van die see deur die Engel-Saksers waarteen die Duitse duikbote niks beslissends kon uitrig nie. (4) Die intensiewe Engel-Saksiese lugaanvalle op Duitsland en (5) Die militêre versaking van die Duitse bondgenote in Europa by name Italië.

Dit is bes moontlik dat 'n toekomstige geskiedskrywer die stryd tussen die Bolsjewistiese Rusland en die Nasionaal-sosialistiese Duitsland as die hoofstryd van hierdie Wêreldoorlog sal beskou en alles andere as minder belangrike bykomstighede. Dit is bes moontlik dat hierdie hoofstryd wat in die Russiese winters en op die Russiese vlaktes beslis is as die eerste van sy soort in 'n nuwe stryd tussen die Ooste en die Weste beskou sal word. Wie weet? Ons sal moet wag en sien.

TWEE MATIES IN W.P.-SPAN

Hartlik Geluk!

Ons kan dit nie nalaat om die twee Matiespelers wat in die W.P.-voetbalspan wat môre met Transvaal kragte meet, ingesluit is, hartlik geluk te wens nie. Ons is daarvan oortuig dat Peet van der Walt en Burger hulle plekke deeglik sal vul en hulle insluiting onomwonde sal regverdig.

DIE VRYHEIDSMANIFES

Elders in hierdie uitgawe word die Vryheidsmanifes wat die A.N.S. in Julie 1940 gepubliseer het, afgedruk.

Hierdie manifes is die grondslag waarop die A.N.S. berus; waarop hy voortbou en waaruit hy ontwikkel. In die tye waarin ons vandag leef soek die mens na vaste grond om op te staan; na basiese norme wat kan herinner aan die kontinuïteit van die lewe, en wat inhoud en betekenis kan gee aan die menslike strewe.

Vir die Afrikaanse student en sy strewe is die Vryheidsmanifes 'n ligbaken, wat sy nasionaal-kulturele aspirasies illumineer en aan die hele wêreld sigbaar maak.

Daarom is dit goed dat die Vryheidsmanifes tans, ja juis tans, weer onder die aandag van studente gebring sal word.

In Augustus 1940 het die Hoofbestuur van die A.N.S. na aanleiding van die manifes verklaar:

„Die A.N.S. betree nie die gebied van die praktiese partypolitiek nie, en wil hom geensins vereenselwig met enige bepaalde politieke party nie.

„As kultuurorganisasie wil hy hom egter nie beperk bloot tot sekere terreine van ons volkskultuur nie, maar wil hy sy lede vorm en voorlig en lei op alle kultuurterreine en dus ook op staatkundige gebied.

„Die A.N.S. glo dat die grondslag van haas alle S.A. probleme vandag staatkundig van aard is, en dat die enigste oplossing daarvan lê in die opbou van 'n vrye en onafhanklike S.A. Republiek so spoedig moontlik.

Met hierdie doel voor oë wil die A.N.S. veral in hierdie tyd ook so veel as moontlik voorsien in die besondere behoefte van 'n skakel te vorm tussen die akademiese en intellektuele benadering van landsvraagstukke aan die een kant en die praktiese politiek aan die ander kant.”

Die groot kongresse wat die A.N.S. gedurende die oorlogsjare gehou het, het hierdie doel van hom skitterend verwesenlik.

A.N.S.-LEDELYSTE

Aandag asseblief alle persone wat A.N.S. inskrywings waargeneem het! Ledelyste wat nog in u besit is, moet asseblief so gou moontlik opgestuur word na die Taksleier. Dit is baie dringend.

ONTHOU DIE DATUMS!

Kunswedstryd

Tentoonstellings:

Skilderkuns — Carnegiesaal — 31 Mei tot 2 Junie.
 Hande-arbeid — C.S.V.-Saal — 31 Mei tot 2 Junie.

Pryswennerskonserte:

Junioraand :Vrydag, 1 Junie — Konservatoriumsaal.
 Senioraand: Saterdag, 2 Junie — Stadsaal.

HULP ONDER VERSOEKINGS

deur Prof. Amos R. Wells
 (In Afrikaans vertaal deur dr. Jac. J. Müller)

Dui ons u die Pad na Oorwinning aan.

Vir elke Student wat 'n beter lewe wil voer, sal die boek 'n hulpmiddel wees.

Die Prys is slegs 2/9.

Verkrygbaar by

DIE C.S.V.-BOEKHANDEL
 Pleinstraat, Stellenbosch.

Die Plaza

Foon 0013

KISMET

RONALD COLMAN

VRYDAG en SATERDAG

18 en 19 Mei

APTEKERS

Ons bied u deskundige bediening en betroubare medisyne aan.

JOERNING en SEUN

(Eiens.) Bpk.

Hoek Bird- en Pleinstraat,
STELLENBOSCH.

Rook Springbok-Sigarette

**Wetenskaplike
Brokkies**

Deur Ernst Marais.

Die verskillende soorte uitstralings wat ons in die natuur aantref is wesenlik dieselfde. Hulle word almal deur leë ruimte voortgeplant en die geweldige spoed van 180,000 myl per sekonde. Die enigste wesenlike verskil bestaan in die „golflengte” van die „elektromagnetiese golwe”, waaruit hierdie stralings bestaan. Hierdie stralings maak die „Elektromagnetiese Spektrum” uit. Die spektrum word onderverdeel in gebiede — soos ons almal weet, daar ons tenminste die name ken. Die lang golflengtes word geëet in terme van meters terwyl die kort golflengtes gemeet word in baie klein eenhede soos b.v. die Angström-eenheid (een honderd miljoenste van 'n sentimeter), en nog kleiner eenhede. Waar ons begin by die langgolflengtes is die spektrum in volgorde as volg: Radiostrale, Infrarooi-strale, Sigbare lig, Ultraviolet-strale, X-strale, Gamma-strale, Kosmiese Strale. Al die stralings tot by X-strale het hul oorsprong in die atoomkern. Gamma-strale word egter met die disintegrasie van radio-aktiewe stowwe verbind, terwyl kosmiese strale van buite ons atmosfeer 'n geheimsinnige straling is. In 'n kort reeksie artikels hoop ons om van die bogenoemde gebiede effens meer toe te lig.

**Kunswedstryd halfpad
Voltooi**

Die eerste helfte van die neënde Stellenbosse kunswedstryd is verlede Saterdagoggend voltooi met die laaste beoordelings in die afdeling voordrag. Die voordragbeoordelings is waargeneem deur mev. Pienaar de Klerk en Mavis de Villiers, en mnr. J. W. Louw. Die oolbeoordelings is die vorige dinsdag waargeneem deur mnr. Wanson. In beide afdelings is werk van die hoë gehalte gelewer, soos ook die geval was in die afdelings klare en sang. Inskrywings vir die tweede deel van die kunswedstryd word ingevul in die C.S.V.-Ruskamer vanaf maandag, 21 Mei, tot Vrydag, 25 Mei, tussen 4 en 6 n.m. elke dag. Besonder sterk mededinging word verwag in dié groep—wat die afdelings Skilder- en Beeldhoukuns en Hande-arbeid insluit.

HENDRIKZ

(Foon 95)

ELEKTRIESE BENODIGHEDE,
RADIO en alle Elektriese Reparasies
(Langs Voortrekker Apteek)
ANDRINGAST., STELLENBOSCH

WEET U?

weet seker hoe swaar dit soms is om geldjies te kry vir die ditjies en tjijs?

org dat u toekoms nie, ná 'n suksesvolle Universiteitsloopbaan, deur 'n brek aan geldelike vermoë belemmerd word nie. Jong professionele manne en vroue weet dat hulle sal sukses lank moet wag voordat hulle winsgewende betrekking sal kan kry. Dokters of prokureurs moet praktyk of vennootskap koop. Die veiligste en beste manier om u toekomstige te bewerkstellig is om nou 'n spaar en u besparings in UNIE-SPARINGSBANK te belê.

oop hulle deur middel van Neganie Spaarsaëls, of vir kontant, by die Postkantoor.

Musiekvereniging

NUWE REEKS PROGRAMME

Die musiekvereniging het na sy geslaagde openingskonsert 'n bietjie gerus, en boon-op was daar nog die kunswedstryd tussenin wat die aandag van meeste musiek liefhebbers in beslag geneem het. Die konsep-program van die Vereniging word egter nou uitgevoer, en in die vervolg sal die verskeie komponiste in hulle kronologiese volgorde behandel word. Die programme sal baie noukeurig opgestel word sodat variëteit daarin sal voorkom en die leek nie afgeskrik sal word nie. 'n Spesiale program van Kunsliedere kom eersdaags in 'n reeks met 'n inleidende lesing deur dr. Con de Villiers en verder onder sy voorligting.

Eerskomende Sondagaand word nie begin met Bach waarmee ons van plan was om die reeks te begin nie, maar met Beethoven, daar ons stof nog 'n bietjie ongeordend is. Hierdie behandeling moet vanselfsprekend baie kursories wees. Ons sal egter in *Die Matie* weekliks so'n bietjie biografiese gegewens gee omtrent die komponis van Sondagaand.

BEETHOVEN

Ludwig van Beethoven is gebore op 16 Des. 1770 te Bonn, en sterwe in Weenen, Maart 26, 1827. Hy begin sy musiekloopbaan in sy vierde jaar. Beide sy grootvader en sy vader was musikante. Neefe, sy orrelmeester, bevestig die beskouing dat as hy aangaan soos hy begin het, hy sekerlik 'n tweede Mozart sou word.

Na veel wedervarings in Bonn vind die eerste groot werklike gebeurtenis in sy lewe plaas — sy eerste besoek aan Weenen, waar Haydn en Mozart destyds die skynende ligte was. Van Mozart ontvang hy 'n paar lesse in komposisie.

Op hierdie stadium maak hy kennis met die Von Breuning-familie wat 'n groot rol in sy lewe sou speel. Hier ontmoet hy ook Graaf Waldstein aan wie hy sy Sonata, Op. 53, opdra in 1805. Die Keurvors van Keulen besluit nou om Beethoven te help met sy studies. Hy tree in verbinding met Haydn, en só gaan Ludwig vir die tweede keer na Weenen. Hy geniet egter sy kontrapuntiese studies onder Albrechtsberger meer as die onderrig van Haydn.

Beethoven sorg dat sy werk die goedkeuring wegdra van 'n gekose groep. Die snaarkwartet van Lichnowsky, en later uitgebrei tot 'n orkes deur Prins Lobkowitz, bied geleentheid hiervoor. Ons stip net aan: in 1803 worstel hy met 'n derde simfonie en skep hy die Leonora-opera, die Mis in C, vyf meer simfonieë. Sy doofheid neem egter nou toe, veral na 1808. Hy sterwe dan op 26 Maart en by sy graf word 'n gedeelte van Grillparzer voorgedra deur Anschütz, terwyl Schubert aan sy skouer staan. Die laaste dae van die meester was verbitter deur sy broerskind, Karl.

J. de V.

WELKOM MATIES!

REFLEX STUDIO

Andringastraat.
DIE STUDENTE-AFNEMER.

Klere van Hoë gehalte teen
billike pryse

J. THERON SMIT

Pleinstraat
STELLENBOSCH

**INTERVARSITY-DEBAT
TEEN U.K.**

Vanaand in Kaapstad

Vanaand om 8.15 vind daar in die Women's Res. Commonroom 'n interdebat plaas tussen U.S. en U.K. oor die onderwerp: „Specialization disintegrates the Personality.”

Die sprekers wat U.S. verteenwoordig, is mnr. David v. d. Merwe en mej. Frieda Barnardt — maar, as daar enige Maties is wat hul op daardie oomblik naby die „slagveld” bevind, sal hulle baie welkom wees as ondersteuners van hul eie oortuigings!!

DENNEOORD VIER FEES

Verlede week het Denneoord sy 25-jarige bestaan gevier, 'n viering waarby teruggekyk kon word op 'n glorieryke bestaanstydperk waarin daar nie minder as 1,000 onderwyse-resse deur dié inrigting opgelei is nie. 'n Baie oorspronklike konsert Woensdagaand was 'n groot aantreklikheid wat 'n stampvol saal gelok het. Die kermisplanne van Vrydagoggend is effens gedwarsboom deur die skielike reën, maar 'n totaalbedrag van £225 is tog byeengebring.

Die fondse word aangewend ten behoeve van behoeftige studente en vir die opbou van 'n volledige boekery.

MATIES!

Netheid Tel Baie!
Ons Tik- en Afrolwerk sal u help.
VERTAALBURO, Stellenbosch
Dorpstraat, Posbus 180.
(Foon 486)

Alfred Blommaert,

(Foon 48 en 176)
Kerkstraat,

STELLENBOSCH.

KRUIDENIERSWARE
- - YSTERWARE - -
- - PRODUKTE - -

Die Winkel vir billike en
spoedige bediening.

SO PAS ONTVANG!

KUNSMATERIAAL

Waterverf 1/- per bakkie
Olieverf 1/9 per buisie
Doek op Karton Verskillende pryse
Barbola Vernis en Materiaal, Leerverfstof, ens.

Boeke van Oorsee

Dale Carnegie — How To Win Friends
and Influence People 9/6
The Book of Modern Composers 35/-
Haggin — Music on Records 14/-
Einstein — A Short History of Music 21/-

Pro. Ecclesia - Boekhandel

Pleinstraat
STELLENBOSCH

**Foon 94
Santy se
Bottelstoor**

En probeer ons
groot
verskeidenheid
Soetwyne
en keurige
Aptyt-drinkies.

Vir die mank van u volgende

- Paar Sandale
- Stewels
- Skoene

BESOEK

LUBBE

EN SEUN
die deskundige
schoenmakers en
repareerders

Foon
440

**Maties!
Die
Victoria Katee**

Vir

- * Vars Vrugte
- * Smaaklike Lekkers
- * Vriendelike Bediening
Mnr. MALZER

Onthou
Die Biljart Salon

Rook Springbok-Sigarette